

laudat *Minutius* in *Octavio*; neque *Tertullianus* de *Speculis*. Imò si jure agendum, pœnis Romani affiendi fuissent. Sed quia raptus pœna ordinaria in eo limitatur, cum virgo matrimonii causa rapta est, arbitraria sibi tantum locum vindicat. Vid. *D. J. Philippi Eclog. 90*

§. III. Ex adverso *Boxhornius* *Diss. 1. de Rom. Imp. §. 5.* id Romuli factum καὶ ἄριστον καὶ πολιτικώτατον cum *Plutarcho* appellat, Pagnat quoque pro Romanis *Smidellius* in *Observ. ad Boxhorn. p. 172. sq.* ubi simul Augustini rationes examinat, ex eoque argumenta pro illis diducit. Jure Sabinorum virgines raptas esse, etiam affirmat *Rupertus ad lib. 1. Flor. c. 1. §. 10. p. 57.* Quod hoc pacto occursum sit eorum malitiæ, quæ generationem liberorum, maximum sacrorum, primo homini commendatum & Dei & naturæ voce, pessundare, conata sit. Adducit hic pro se exemplum virginum Silonicarum choreas ducentium, ab Israelitis in Benjamitarum usum solenni in festo raptarum. *Jud. 21, 22. Joseph. l. 5. Antiqq. c. 2.* laudans videndos ac consulendos quoque *Albericum Gentilem* lib. 2. de *Armis Rom. c. 2. Clapmarium* lib. 2. de *Jure Dominat. c. 7.* quibus addo *Piccartum* in *Philos. Altdorff. disp. 46.* qui neque contra jus divinum, neque gentium raptas esse, statuit. Certè à Romulo missi fuerunt legati ad vicinos populos, ut matrimonia peterent: quæ petitio cum justa & honesta esset, non erat deneganda. Repulsa verò, quam tulerunt, & naturæ & gentium juri adversa fuit, sicut & iis officiis, quæ vicino & hætenus innoxio populo debebantur. Sancta legationis jura à Sabinis violata, bello poterant vindicari; sed Romulus necessitate compulsus, ad licitas Principibus artes confugiens, Sabinos ad spectacula vocat, eorumque virginibus doli ignaris spectatumque venientibus sic potitur. Accedit quod bellum inde ortum ob publicum bonum à Romulo promotum, feliciter cesserit: nam Antennates hostiliter fines Romanorum incurrentes oppressi, Sabini superati, & qui manè hostes, vesperi Romanorum amici facti sunt.

§. IV. Mediâ viâ nos hic putamus incedendum esse, neque laudantes, neque vituperantes hoc Romuli factum, quia neque jure, neque injuria virgines per vim dolumque raptas esse pronunciamus: excusari tamen posse, intrepidè asserimus, in hunc finem verba illust.